


觀音經咒靈
感錄要

乙亥仲夏

唐文治敬署





南。海。慈。航。溥。濟。十。方。利。生。護。國。
靈。蹟。昭。彰。佛。口。親。宣。經。典。煌。煌。
歷。朝。紀。載。聖。德。汪。洋。提。要。重。編。
便。覽。毋。忘。添。印。翻。刻。驩。迎。異。常。

楊鍾鈺敬題

是書係無錫書院街錫成印刷公司代印留存紙
版各省各界有願向該公司定印者每千部僅收
紙工費洋大約每千部二十七元至多二十八元
紙價如有漲落臨時再行增減郵費另加

聶雲臺先生原序

自來觀音靈感事蹟見於古今記述者以數百千計許止淨居士集之爲感應頌以事蹟附註其後洋洋三十萬言可謂鉅觀矣大抵此等筆記多出儒士非釋氏之徒造作虛無之說也余嘗思之因果感應輪迴之事理有如化學中之維他命譯言生活素蓋得之則生缺之則病且死也十數年前科學家自謂化學萬能凡人類營養所需不過蛋白脂肪澱粉三物可以化學配合之循是而投食物則弱者可強病者可愈而孰知凡用科學配合食物者與用自然之食物者健康疾病適得其反於是科學家不得不從事實上研究始有近年生活素之發明此生活素者既不可以顯微鏡窺測又不能以化學藥品反應其唯一方法即用某種食物飼量畜類（多以鼠類試驗）經若干年月而得其健康疾病死亡之效果焉由是而知人類有必需之生活素質共若干種缺乏某種則生某種之衰病現象某種生活素含於某某數種植物

動物體中所含之生活素亦皆由植物而來如米糠麥麸青葉菜含之最多牛食青草而後乳含生活素多鱉魚食海藻而肝油含生活素其他如花生油中有生活素而豬油中絕無之

雖得

以化學如法配成亦終不能有生活素之存在。嗚呼！此生活素何物，其亦將因其不可見不可摸索而遂否認之乎？因果輪迴感應之理，正如是耳。循其道而行之，或背其道而行之，經數年、數十年，或數代而後，其善惡愚智興衰窮達一一有實效可指。（因果不能立地責其實效，因有舊日之因，今當收未完之果也。故雖有人積惡而不遵見惡報者，職是故也。生活素之試驗亦然，有人日食缺生活素之食物，而健康不遵減，則因昔日所食積於體內之生活素多故也。）余亦篤好科學，非喜空談玄理者。今乃以因果之說向人強聒不捨，若非有實證效驗安於心而得於理，豈肯逆潮流而爲此無謂之舉哉？若能採用生活素之試驗方法於信因果感應之家庭而驗其家人子孫之善惡愚智，並於個人之善惡愚智而考察其先代之存心行事及其家風教範與佛法信仰及因果之理有無關係，然後知古人閱歷經驗之言爲不誣也。至佛法靈感所以如是著顯者，自有其圓滿之理論。古今論著汗牛充棟，予亦著學佛六篇略言其概，茲不贅述。云：民國戊辰年冬至日，聶其杰

楊鍾鈺曰：流覽載籍觀音大士護國利生靈顯甚著。乙亥夏日，余甥吳悟慧女

妙清因體羸多病。擬刊布。觀音靈異。宏揚佛法。祈病速痊。請余任編集。正擬動筆。遍翻書笥。得聶雲臺先生所刊靈感彙編。詳贍允爲善本。觀于海者。難爲水。因輟不復作。而就原編提要。刪繁付刊。以廣流傳。因述其緣起如此。又曰。唐虞三代之盛。聖主賢臣。危微交警。而因果報應之理。隨在流露。虞書大禹謨云。惠迪吉。從逆凶。惟影響。臯陶謨云。天命有德。天討有罪。商書湯誥云。天道福善禍淫。伊訓云。作善降之百祥。作不善降之百殃。皆果報之說之最古者。孔子集羣聖之大成。其贊周易曰。積善之家。必有余慶。積不善之家。必有余殃。曰善不積不足。成名惡不積。不足滅身。孟子願學孔子者也。其言曰。仁則榮。不仁則辱。曰順天者存。逆天者亡。統觀以上聖訓。非論因果報應最顯明最警切者乎。自佛教來華。詳述過現未來三世因果。雖歷千萬劫。而善惡報應。絲毫不爽。善人勸焉。淫人懼焉。有裨于政治。與風俗甚鉅。而觀音大士宣化娑婆。數千年來。護國息災。保障忠孝。節義靈蹟。不可勝紀。顧亭林菰中隨筆云。天下祠宇香火之盛。莫過于觀音。非以其扶危濟困。化導衆生。感應最捷。覆被最廣。故乎。自歐風東

漸。庠。序。不。講。四。子。五。經。州。鄉。不。教。孝。悌。忠。信。青。年。子。女。放。蕩。奢。靡。非。聖。無。法。非。孝。無。親。釀。成。空。前。浩。劫。連。年。兵。匪。饑。荒。蒼。黎。陷。于。水。深。火。熱。救。劫。須。仗。佛。教。以。慈。悲。化。暴。戾。之。氣。以。報。應。循。環。寓。勸。善。懲。惡。之。妙。用。也。而。觀。音。悲。憫。特。深。諸。君子。刊。布。此。書。以。感。人。心。而。挽。世。運。良。有。以。也。

凡例

一、觀世音靈感之神願力之宏。皆佛口所宣說。見於大藏經典。如法華經。楞嚴經。大悲心陀羅尼經。其尤著也。其見於他經者。尙多。茲編惟取普通誦之數種經。呪。以便日常課誦。故不及備錄。

一、靈感錄前數篇。如心經。普門品。持名數門。皆郭涵齋居士所代爲編輯。餘則李圓淨居士亦有所協助。並此聲明致謝。

一、本書當以昔人筆記爲限。至近人記述。則擬另撰。觀音靈感近事一冊。專載民國以來私家筆記及刊行單張各地善信身歷靈感。亦乞紀其始末。錄以見示。當酌量採錄。

一、七年前有一鐵板數命家爲予批命。謂予今年大不利。且當厄及萱闈。果也。予三月間起病。纏綿至九月。始漸轉機。而家慈則九月底起大病。幾危。此皆預言而驗者。予既病數月。乃知星命說之有據。乃於七月間發願印行此書一萬冊。求免母厄。而益其壽。今家慈幸得健愈。亦靈感近事之一端也。謹附記於此。

觀音經咒靈感錄要

妙法蓮華經觀世音菩薩普門品

爾時無盡意菩薩。卽從座起。偏袒右肩。合掌向佛。而作是言。世尊。觀世音菩薩。以何因緣。名觀世音。佛告無盡意菩薩。善男子。若有無量百千萬億衆生。受諸苦惱。聞是觀世音菩薩。一心稱名。觀世音菩薩。卽時觀其音聲。皆得解脫。若有持是觀世音菩薩名者。設入大火。火不能燒。由是菩薩威神力故。若爲大水所漂。稱其名號。卽得淺處。若有百千萬億衆生。爲求金銀琉璃砗磲。碼瑙珊瑚琥珀珍珠等寶。入於大海。假使黑風吹其船舫。飄墮羅刹鬼國。其中若有乃至一人。稱觀世音菩薩名者。是諸人等。皆得解脫。羅刹之難。以是因緣。名觀世音。若復有人。臨當被害。稱觀世音菩薩名者。彼所執刀杖。尋段段壞。而得解脫。若三

千大千國土。滿中夜叉羅刹。欲來惱人。聞其稱觀世音菩薩名者。是諸惡鬼。尚不能以惡眼視之。况復加害。設復有人。若有罪。若無罪。桎械枷鎖。檢繫其身。稱觀世音菩薩名者。皆悉斷壞。卽得解脫。若三千大千國土。滿中怨賊。有一商主。將諸商人。齎持重寶。經過險路。其中一人。作是唱言。諸善男子。勿得恐怖。汝等應當一心稱觀世音菩薩名號。是菩薩能以無畏施於衆生。汝等若稱名者。於此怨賊。當得解脫。衆商人聞。俱發聲言。南無觀世音菩薩。稱其名故。卽得解脫。無盡意。觀世音菩薩摩訶薩。威神之力。巍巍如是。若有衆生。多於淫欲。常念恭敬觀世音菩薩。便得離欲。若多瞋恚。常念恭敬觀世音菩薩。便得離瞋。若多愚癡。常念恭敬觀世音菩薩。便得離癡。無盡意。觀世音菩薩。有如

是等大威神力。多所饒益。是故衆生。常應心念。若有女人。設欲求男。禮拜供養觀世音菩薩。便生福德智慧之男。設欲求女。便生端正有相之女。宿植德本。衆人愛敬。無盡意。觀世音菩薩。有如是力。若有衆生。恭敬禮拜觀世音菩薩。福不唐捐。是故衆生。皆應受持觀世音菩薩名號。無盡意。若有人受持六十二億恆河沙菩薩名字。復盡形供養飲食衣服臥具醫藥。於汝意云何。是善男子。善女人。功德多不無盡。言甚多。世尊。佛言。若復有人。受持觀世音菩薩名號。乃至一時禮拜供養。是二人福。正等無異。於百千萬億劫。不可窮盡。無盡意。受持觀世音菩薩名號。得如是無量無邊福德之利。無盡意。菩薩白佛言。世尊。觀世音菩薩。云何遊此娑婆世界。云何而爲衆生說法。方便之力。其事

者。卽現婆羅門身而爲說法。應以比丘、比丘尼、優婆塞、優婆夷、身得度者。卽現比丘、比丘尼、優婆塞、優婆夷身而爲說法。應以長者、居士、宰官、婆羅門、婦女身得度者。卽現婦女身而爲說法。應以童男童女身得度者。卽現童男童女身而爲說法。應以天龍、夜叉、乾闥婆、阿修羅、迦樓羅、緊那羅、摩睺羅伽、人、非人等身得度者。卽皆現之而爲說法。應以執金剛神得度者。卽現執金剛神而爲說法。無盡意。是觀世音菩薩。成就如是功德。以種種形。遊諸國土。度脫衆生。是故汝等。應當一心供養觀世音菩薩。是觀世音菩薩摩訶薩。於怖畏急難之中。能施無畏。是故此娑婆世界。皆號之爲施無畏者。無盡意菩薩白佛言。世尊。我今當供養觀世音菩薩。卽解頸衆寶珠瓔珞。價值百千兩金。而以與

之作是言。仁者受此法施珍寶瓔珞。時觀世音菩薩不肯受之。無盡意復白觀世音菩薩言。仁者。愍我等故。受此瓔珞。爾時佛告觀世音菩薩。當愍此無盡意菩薩。及四衆天龍夜叉乾闥婆阿修羅迦樓羅緊那羅摩睺羅伽人非人等。故受是瓔珞。卽時觀世音菩薩愍諸四衆。及於天龍人非人等。受其瓔珞。分作二分。一分奉釋迦牟尼佛。一分奉多寶佛塔。無盡意觀世音菩薩有如是自在神力。遊於娑婆世界。爾時無盡意菩薩以偈問曰。

世尊妙相具。	我今重問彼。	佛子何因緣。	名爲觀世音。
具足妙相尊。	偈答無盡意。	汝聽觀音行。	善應諸方所。
弘誓深如海。	慝劫不思議。	侍多千億佛。	發大清淨願。
我爲汝略說。	聞名及見身。	心念不空過。	能滅諸有苦。

假使興害意。或漂流巨海。或在須彌峯。或被惡人逐。或值怨賊繞。或遭王難苦。或囚禁枷鎖。咒詛諸毒藥。或遇惡羅刹。若惡獸圍繞。蚺蛇及蝮蠍。

推落大火坑。龍魚諸鬼難。爲人所推墮。墮落金剛山。各執刀加害。臨刑欲壽終。手足被杻械。所欲害身者。毒龍諸鬼等。利牙爪可怖。氣毒烟火然。

念彼觀音力。念彼觀音力。念彼觀音力。念彼觀音力。念彼觀音力。念彼觀音力。念彼觀音力。念彼觀音力。

火坑變成池。波浪不能沒。如日虛空住。不能損一毛。咸卽起慈心。刀尋段段壞。釋然得解脫。還著於本人。時悉不敢害。疾走無邊方。尋聲自廻去。

雲雷鼓掣電。降雹澍大雨。念彼觀音力。應時得消散。
衆生被困厄。無量苦逼身。觀音妙智力。能救世間苦。
具足神通力。廣修智方便。十方諸國土。無刹不現身。
種種諸惡趣。地獄鬼畜生。生老病死苦。以漸悉令滅。
眞觀清淨觀。廣大智慧觀。悲觀及慈觀。常願常瞻仰。
無垢清淨光。慧日破諸闇。能伏災風火。普明照世間。
悲體戒雷震。慈意妙大雲。澍甘露法雨。滅除煩惱燄。
淨訟經官處。怖畏軍陣中。念彼觀音力。衆怨悉退散。
妙音觀世音。梵音海潮音。勝彼世間音。是故須常念。
念念勿生疑。觀世音淨聖。於苦惱死厄。能爲作依怙。
具一切功德。慈眼視衆生。福聚海無量。是故應頂禮。

爾時持地菩薩。卽從座起。前白佛言。世尊。若有衆生。聞是觀世音菩薩品自在之業。普門示現神通力者。當知是人功德不少。佛說是普門品時。衆中八萬四千衆生。皆發無等等阿耨多羅三藐三菩提心。

妙法蓮華經觀世音菩薩普門品終

讚

觀音大士。悉號圓通。無邊誓願。此方宏。苦海一帆風。方便無窮。手眼更玲瓏。

南無觀世音菩薩 三稱

觀音經咒靈成錄要

般若波羅蜜多心經

唐三藏法師玄奘奉詔譯

觀自在菩薩行深般若波羅蜜多時。照見五蘊皆空。度一切苦厄。舍利子。色不異空。空不異色。色卽是空。空卽是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅蜜多故。得阿耨多羅三藐三菩提。故知般若波羅蜜多。是大神咒。是大明咒。是無上咒。是

無等等咒。能除一切苦。真實不虛。故說般若波羅蜜多咒。卽說咒曰。

揭諦揭諦。波羅揭諦。波羅僧揭諦。菩提薩婆訶。
般若波羅蜜多心經終

大悲願

凡持大悲咒者
須先虔發此願

南無大悲觀世音。
南無大悲觀世音。
南無大悲觀世音。
南無大悲觀世音。
南無大悲觀世音。
南無大悲觀世音。
南無大悲觀世音。
南無大悲觀世音。
南無大悲觀世音。

願我速知一切法。
願我早得智慧眼。
願我速度一切衆。
願我早得善方便。
願我速乘般若船。
願我早得越苦海。
願我速得戒定道。
願我早登涅槃山。
願我速會無爲舍。
願我早同法性身。

我若向刀山。

刀山自摧折。

我若向火湯。

火湯自消滅。

我若向地獄。

地獄自枯竭。

我若向餓鬼。

餓鬼自飽滿。

我若向修羅。

惡心自調伏。

我若向畜生。

自得大智慧。

千手千眼無礙大悲心陀羅尼

南無喝囉怛那哆囉夜耶。南無阿唎耶。婆盧羯帝爍鉢囉耶。菩
提薩埵婆耶。摩訶薩埵婆耶。摩訶迦盧尼迦耶。唵薩嚩罰曳。
數怛那怛寫。南無悉吉唵埵伊蒙阿唎耶。婆盧吉帝室佛囉楞
馱婆。南無那囉謹墀。醯唎摩訶幡哆沙咩。薩婆阿他豆輸朋。阿

逝孕。薩婆薩哆那摩婆薩多那摩婆伽摩罰特豆。怛姪他。唵阿
婆盧醯。盧迦帝。迦羅帝。夷醯唎摩訶婆提薩埵。薩婆薩婆摩囉
摩囉。摩醯摩醯唎馱孕。俱盧俱盧羯蒙。度盧度盧罰闍耶帝。摩
訶罰闍耶帝。陀囉陀囉地唎尼。室佛囉耶。遮囉遮囉。摩摩罰摩
囉。穆帝隸伊醯移醯室那室那阿囉嚩佛囉舍唎罰娑罰嚩佛
囉舍耶。呼盧呼盧摩囉呼盧呼盧醯唎娑囉娑囉。悉唎悉唎。蘇
嚩蘇嚩。菩提夜菩提夜。菩馱夜菩馱夜。彌帝唎夜那囉謹墀。地
唎瑟尼那婆夜摩那娑婆訶。悉陀夜娑婆訶。摩訶悉陀夜娑婆
訶。悉陀唎藝室幡囉夜娑婆訶。那囉謹墀娑婆訶。摩囉那囉娑
婆訶。悉囉僧阿穆佉耶娑婆訶。娑婆摩訶阿悉陀耶娑婆訶者
吉囉阿悉陀夜娑婆訶。波陀摩羯悉陀夜娑婆訶。那囉謹墀

伽囉耶。娑婆訶。摩波利勝羯囉夜。娑婆訶。南無喝囉怛那哆囉
夜耶。南無阿利耶。婆嚧吉帝。爍皤囉夜。娑婆訶。唵。悉殿都。漫多
囉。跋陁耶。娑婆訶。

白衣大士神咒

南無大慈大悲救苦救難廣大靈感觀世音菩薩

三稱三拜

南無佛。南無法。南無僧。南無救苦救難觀世音菩薩。

怛只哆。唵。伽囉伐哆。伽囉伐哆。伽訶伐哆。囉伽伐

哆。囉伽伐哆。娑訶。天羅神。地羅神。人離難。難離

身。一切災殃化爲塵。南無摩訶般若波羅蜜。

觀音十句經

觀世音。南無佛。與佛有因。與佛有緣。佛法僧緣。常樂我淨。朝念

觀世音。暮念觀世音。念念從心起。念念不離心。

觀世音菩薩應化略說

南屏佛祖降筆
見聖哲嘉言錄

大悲心陀羅尼經云。觀世音菩薩。於過去無量劫中。已作佛。竟名正法明如來。大悲願力。爲欲安樂成熟諸衆生。故現作菩薩。可知觀音固過去之佛。以普度衆生。故復現菩薩身者也。又法華經觀音普門品。言觀音有三十二應身。隨機應感。普度羣生。故世稱爲普門大士。至白衣觀音之稱。則起源于密宗。白衣觀音爲胎藏界觀音院尊。著白衣在白蓮中。故名白者。表示清淨心也。又有千手觀音之說。人多不明其故。按大悲心陀羅尼經。菩薩云。無量億劫前。有千光王靜住如來。爲我說大悲心陀羅尼。我于是時。始住初地。一聞此咒。頓超八地。卽發誓言。若我當來。堪能利益安樂一切衆生者。令我卽時生千手千眼。應時身上千手千眼。悉皆具足。又楞嚴經云。觀世音菩薩。以修證圓通。無上道。故能現衆多妙容。山一首三首。乃至千首。萬首。八萬四千。燦迦羅首。山二臂四臂。乃至千臂。萬臂。八萬四千。母陀羅臂。山二目三目。乃至千

目。萬。目。八。萬。四。千。清。淨。寶。目。是。則。千。手。千。眼。全。山。修。證。圓。通。而。來。非。可。以。常。情。擬。議。者。也。又。有。紫。竹。南。海。觀。音。等。名。因。宋。代。有。四。明。商。人。浮。海。至。一。山。得。紫。竹。一。莖。後。有。老。人。見。之。曰。此。乃。補。陀。陀。即。普。落。伽。山。觀。音。座。後。紫。竹。也。後。乃。建。刹。其。處。香。火。日。盛。所。謂。南。海。者。即。此。處。也。此。外。尚。有。妙。莊。王。三。公。主。之。說。乃。由。唐。時。南。山。道。宣。律。師。聞。諸。天。神。謂。往。昔。過。去。劫。有。王。曰。莊。嚴。夫。人。曰。寶。應。生。三。女。長。妙。顏。次。妙。音。季。妙。善。妙。善。即。觀。音。云。至。觀。音。於。無。量。劫。中。種。種。示。現。種。種。救。濟。衆。生。無。量。無。邊。雖。有。千。口。萬。口。乃。至。無。量。口。時。時。說。處。處。說。乃。至。無。量。世。大。說。而。特。說。亦。不。能。盡。老。柄。只。得。以。不。說。說。之。矣。

齋 正月初八 二月初七初九 三月初三初六 四月初二 五月初三 六月十六十八

期 七月十三 八月十六 九月廿三 十月初二 十一月十九 十二月廿四

每月朔望及閏月同前

持誦普門品靈感

魏國子博士盧景裕。坐累繫獄。至心誦普門品。亦誦全經。枷鎖自脫。主者聞於朝。特見原宥。法華感通

唐董雄爲大理寺丞。貞觀十四年。爲坐李仙童事。上大怒。使侍御董琮鞫問甚急。大理丞李敬玄司

值。王欣皆連坐。雄與同屋囚鎖。專念普門品。日得三十徧夜坐誦經。忽鎖自解落地。其夜御史張守

一宿直。見鎖不開而相離。甚怪。又重關鎖。紙封書上而去。雄如常誦經。五更枷鎖又解。落有聲。至明

視之。鎖離封題如故。敬玄乃知佛爲大聖。因起敬信。時欣亦誦八菩薩名。滿三萬徧晝鎖解。落不久

俱免。冥報拾遺

宋王玄謨。太原人。元嘉中。北征失律。蕭斌欲誅之。沈慶之諫曰。佛狸魏世祖小字威鎮天下。豈玄謨所能

當。且殺戰將。徒自弱耳。乃止。初玄謨將見殺。夢人告曰。能誦觀世音普門品。大悲呪。千徧可免。既覺

誦之不輟。忽報停刑。後官至開府。法華感通

晉劉度。聊城人。同邑千餘家。並供養觀音菩薩。歲時誦經禮拜。不輟。宋末時。有逋逃者。多匿城內。酋

大怒。將屠其城。衆恟懼。度率衆叩禱觀音菩薩。前禮誦一心。未幾。酋方治事。見一物從空墜下。旋繞

所居屋柱。驚視之。乃觀世音普門品也。命取讀之。酋大歡喜。因省刑戮。由是一城免屠。冥祥記

唐岑文本。棘陽人。少信佛。誦普門品。嘗乘舟往吳江。中流舟覆。人俱溺死。文本亦沒水中。俄聞有人

云能誦普門品水難應免遂浮水面須臾抵岸一日于家設齋一僧後去謂曰天下方亂君以善緣幸不及難終逢太平致富貴言訖不見及撤齋復於椀得舍利二粒後仕唐爲中書令法華感通

宋吉安王氏女日誦觀音普門品及彌陀金剛諸經念佛求度母死既歿流血淋漓女誓云若我孝心願穢氣不作言訖血卽止後父娶繼室與同修淨業臨終請僧說淨土觀法忽索衣吉祥而臥攬觀音手所執幡寂然化去往生集

明朱德貞吁江人益藩輔國常范第三女祖翊鍾有賢名嘗輯仁孝皇后善內訓章聖太后女訓及古烈女傳女孝經女誠諸書爲女教大成行世女幼淑家誨性至孝八歲字儀衛王廷卿子重賢十歲重賢歿聞訃卽素食縞衣繡大士像早暮焚修默有所禱及笄有求姻者始跪告父母曰女王氏婦也自重賢死而志決矣父母怒責之志益堅且誓云必不得爲未亡人死而已遂絕食自經父母驚怖不復議婚天啓辛酉秋屆重賢忌日先叩二親辭祖廟於八月二十九日歸王素絰執杖舉哀設奠出自製文祭重賢曰恭伯蚤死恭姜守義之死靡他柏舟矢志世有升降心無古今嗟未亡人誕育宗室八歲許婚實有定匹云何不幸夫也遽殤我雖幼小默念綱常祖王好賢父母樂善內則熟聞芳規習見宮闈綦縞永謝鉛華堅持節孝光我國家茲及笄年當以死決籲天叩闕庶幾監察誓不改適從一而終僉曰孔臧稍慰忡忡登子之堂設子之位寫此血衷傾此血涕甘執婦道事我舅姑他日同穴其無愧乎按撫上其事議旌年未及格引維藩隆姬例歲給膳米五十石遂掃除淨

室。皈依。三寶。晨。諷。普。門。品。大。悲。呪。晚。課。彌。陀。經。往。生。呪。一。切。詩。文。誓。不。復。拈。遇。翁。姑。父。母。誕。日。及。重。賢。忌。必。設。供。禮。懺。自。味。且。至。夜。分。儀。軌。不。忒。比。丘。尼。齋。婆。聞。風。求。見。概。禁。絕。女。使。年。逾。十。三。卽。更。去。翁。姑。亦。傾。心。茹。素。一。切。菓。餌。手。整。始。饋。視。疾。問。安。必。謹。甲。子。歲。父。病。篤。割。股。進。之。父。夜。夢。大。士。云。汝。以。女。孝。延。年。病。得。愈。矣。吁。江。人。無。不。頌。其。節。孝。野。乘。啓。頌。

後。周。道。丕。母。許。氏。持。普。門。品。求。子。夢。神。光。燭。身。而。妊。生。道。丕。後。出。家。歲。荒。辟。穀。養。母。往。霍。山。求。父。骨。集。衆。骨。誦。經。祝。曰。動。轉。者。卽。父。骸。數。日。果。有。骷。髏。從。骨。聚。躍。出。至。丕。前。搖。曳。良。久。丕。痛。哭。持。歸。未。至。家。前。一。夕。母。夢。夫。歸。舍。禪。林。僧。寶。傳。

愍。山。名。德。清。俗。姓。蔡。母。夢。大。士。抱。子。授。之。而。生。九。歲。能。誦。普。門。品。著。述。極。富。一。行。居。集。

河。西。王。沮。渠。蒙。遜。歸。正。法。有。疾。伊。波。勒。菩。薩。謂。觀。世。音。於。此。土。有。緣。命。誦。普。門。品。病。卽。除。由。是。此。品。別。行。於。河。西。名。觀。世。音。經。法。華。傳。記。

元。陶。氏。十。六。娘。常。熟。徐。村。人。年。二。十。六。寡。居。無。子。願。生。淨。土。恆。持。念。觀。音。普。門。品。忽。夢。白。衣。人。手。掣。白。蓮。華。一。朶。與。食。之。覺。後。心。神。頗。異。嗣。裝。一。小。閣。西。向。誦。彌。陀。經。念。佛。甫。三。年。見。佛。現。光。明。經。函。上。有。火。團。如。彈。子。大。氏。恐。燒。經。手。撲。之。得。舍。利。一。顆。終。時。化。佛。來。迎。別。衆。而。去。淨。土。善。人。詠。

明。唐。時。受。念。佛。法。門。諸。眷。屬。皆。能。覆。誦。普。門。品。金。剛。經。夜。共。集。大。士。前。回。向。常。言。修。淨。宜。穿。衣。吃。飯。常。在。觀。中。或。神。遊。蓮。海。華。中。禮。佛。或。坐。瞻。寶。剎。佛。光。照。身。淨。想。既。成。不。生。何。待。一。日。推。窗。見。大。海。中。

湧一山佛坐其上光明四徹牆壁林木悉空不現臨終現瑞相逝聖賢

林嗣麒回生云有善女人柳氏歿至冥主者查籍云割肱救姑布施齋僧修橋路善舉極多身口意

業無私毫過犯常念普門品茹觀音齋五十餘年此當生西方淨土請金童玉女幢幡寶蓋送往西

方本司亦備五色香華仙禽護送因果實錄

太倉項廣洲齋戒奉佛禮華嚴法華般若諸經手書無量壽經普門品齋僧布施尤篤孝弟數珠不

離手後見二童來迎念佛逝靈感賦

持誦觀世音心經靈感

按太平廣記玄奘師西行至鬪賓國道險不可過遇一老僧瘡痍膿血牀上獨坐口授心經一卷誦

之遂得山川平易道路開闢虎豹藏形魔鬼潛跡從佛國取經而歸心經略疏小鈔

明王文肅公錫爵江蘇太倉人雖貴顯終身不二色其立朝鼎望建儲元勳彪炳國史不備述梵宇

無大小皆欣然書額護持晚年命工繪者以金銀汁畫大士像手書心經在上施人供奉不記數子

衡中榜眼孫時敏別號煙客翁篤奉佛教增修世德儉歲首倡糶官米兼煮粥濟民請版寮聞谷大

師至婁創興佛法陸孝廉允升夢至大寺六人挑豆至黃豆中雜蠶豆旁立老僧曰此皆煙客翁所

積善果也大善記一蠶豆小善記一黃豆得六擔之多生子九人子揆子揆孫原祁皆進士一門厚

德鼎盛未艾。現果隨錄

清澗南居士云乾隆間與張孝廉良山同寓張黎明誦經詢之曰此心經白衣呪高王經余三世信持歷著靈驗余聞而虔誦是秋兄領鄉薦余補郡庠姪輩游泮益悚然大士之靈應良山不我欺也

觀音經跋

清康熙間錢塘鄭國相妹有狐崇至暈絕時國相誦心經始蘇遂禱大士願施經二千卷除妖救妹妹云正危急時空中現大士呼孽畜何得至此以手指妖騰空起遂不見衆聞異香滿室後妹夢人鎗掛毛頭曰胡二被誅矣。異談可錄

孝感程蔽園進士爲孝廉時就秦中講院席一日山行宿野店甚荒涼卽就草榻臥僕宿外間程夢寐中忽覺有物壓其足心知爲邪魅口不能言竟體木強不能轉側少頃且壓過腹益大窘思佛氏經呪可以驅邪而素未誦習偶憶法帖中有趙松雪書心經急默誦至色卽是空二句氣忽透大

守一齋筆記

聲疾呼而物頓遁矣復誦數遍始安眠早起詢鄰人言是店固多魅也。
婺源戴鴻澤母禮敬大士嘗製救苦膏施人道光間姪孫某患痘黑陷左目已瞽其母夢一媪曰吾觀音也居鴻澤家三年汝可往求神膏貼左太陽穴醒後求至醫詫其妄用燈火治瞽目致晴出僅筋懸未墜潛遁母禱大士念心經二千遍仍貼膏左睛漸入瞽而重明痘亦愈。海南一旬
清高安褚景賢道光間母患喉痺旬餘水漿不入口血輒喉中呼吸如縷賢許施所鐫南海慈航求

福指南各百卷。虔誦心經及觀音聖號。母嘔血塊如雞卵。乃得進藥。數日而愈。益信持誦。傳布聖經。洵續命第一靈符也。求福指南

普門寺僧師徒九人。徒等應赴餓口。輒焚心經。紙灰徧野。一小僧心非之。未言夕夢。陰府攝去。七僧俱跪。聞呵曰。汝妄燒經文。當墮畜道。謂小僧曰。姑饒汝。歸告世人。念經可焚。則不可寤。後數日。四僧牆壓死。二死於水。一死於魔。惜字編

持誦大悲呪靈感

弘濟字同舟。餘姚人。姓姚氏。幼出家。嘗修法華。金光明等懺。感異。元泰定元年。住萬壽圓覺。明年鹽官海岸毀。居民朝夕惴惴。恐為魚鼈之宅。丞相脫驩甚憂之。請濟禱於大士。復就海岸建水陸齋。濟入慈心三昧。取沙誦大悲神呪。帥衆徧撒其處。足跡所及。岸皆復固。衆欽若神明焉。明高僧傳

滇南陳太守廷培。素奉大士。最虔。日誦大悲呪。雖忙迫不少輟也。道光癸巳秋。以同知擢永昌守。由漢江入都。失足墜江。時值風駛。瞬息間。船已去里許。時浪花掀天。而水僅及膝。惟袍襟飄蕩水面。而已。急誦大悲呪。未三徧而救者至。身上未嘗沾溼也。勸戒錄編

清吳永升。少於虎丘。遇一僧。謂子廿九歲有水厄。惟從今戒殺放生。每日虔誠念佛。持大悲呪。或可免耳。升信受奉行。并以此勸人。至廿九歲。由杭附舟歸。浪湧勢危。急合掌念佛。舟覆墮水。昏瞶中聞

語云。吳允升勸人念佛。有功可免。此難開目。願視身已登岸。乃漁人救出也。淨土聖錄

前南京高等師範校長江易園居士。壬子歲居滬上海甯路天保里。一夕近鄰失火。勢甚危險。居士舉家持念觀世音菩薩名號。並大悲神呪。心想觀世音菩薩在虛空中。手執楊枝寶瓶。以大悲水灌至火所。火即熄滅。可以知菩薩神力不可思議。衆生念力亦不可思議。至誠而不動者。未之有也。居士云。救火以正人心爲要。著凡爭鬪殺害心。瞋恨心。邪淫心。皆心內之火。災火之來。由心火生。對治之法。以仁慈博愛戒殺放生心。治殺害心。以和平心。治瞋恨心。以清淨心。治邪淫心。如此方能感佛格。天消災。獲福非可幸求也。惜陰居士記

清蔡思襄。委催漕運。賃民房爲公廨。忽鄰失火。各家搶救什物。蔡安住不動。火至竟越蔡廨。更燒數家。而熄。人問何術。曰。我虔誦大悲呪。人謂神呪固靈。但萬一不應。豈不枉喪其生。蔡曰。吾家歷代持誦。其得脫離刀兵水火急難等厄者。事跡不可勝數。至我持誦廿年。凡遇急難。感而遂通。乾隆間。居京師時。南鄰火起。搬移不及。誦呪一徧。未畢。即反風。火折而南。吾家獨無恙。故深知此呪。諸神護。可轉厄難。但要懺悔。前愆力行善事。每日早晚虔誦五七徧。所求無不遂意。信心錄

闍賓國僧真諦。誦大悲呪。一國疾疫。皆消。行病鬼王出境。釋神智。婺州義烏人也。俗姓力。少有貞操。懇樂捨家。就雲間寺。惟孝爲師。日惟一食。持大悲心呪。恒呪盃水。以救百疾。飲之多瘥。百姓日給無算。號大悲和尚焉。大中年間。入京兆。時相國裴休公女爲

鬼所崇。智持呪。七日平復。遂奏請院額曰大中聖壽。宋高僧傳

荆山萬文玉自言。予持大悲呪。心經靈異。不勝縷述。憶母病篤將終。予痛哭流血。踞向大士前。誦大

悲呪。一徧。母覺有人帶引。回陽漸氣。暖能言。動數日。獲安。佛法無邊。洵非虛語。聖經錄

唐李昕。善持千手千眼呪。有人患瘡。昕呪之。其鬼見形。謂人曰。我本欲大困辱君。為懼李十四郎。不

敢復來矣。十四郎即昕也。昕家在東郡。客遊河南。其妹染疾。死數日。回生云。初被數人引入墓間。中

一人云。此李十四郎妹。今從河南還。將至家。彼善人也。如聞吾等。取其妹。必以神呪。窘我等。不如早

送還之。女活。昕亦到舍。廣異記

清長洲朱兆庚。妻程氏。於道光十二年。肝疾大作。遂作鬼語。懇兆庚誦大悲呪。以資超度。因問與病

者。有宿怨否。曰。無。問病無妨否。曰。至心念佛。即可瘳耳。次年八月。病復作。廿餘日。不納水米。而念佛

不輟。後昏。不知人事。神遊冥界。見冥王審衆。因善惡。悉甚明晰。以程氏持齋念佛。念金剛經。大悲呪

遂放還。兆庚記之。以勸世云。冥遊確見

梁恭辰先生曰。葉健庵中丞。世倬持誦大悲呪。甚得力。因叩其說。中丞曰。余二十許歲時。嘗患瘧。甚

重。憂懼。幾不欲生。忽見書架。有大悲呪一卷。自念持誦。或可稍減。病苦且藉。以卻瘧鬼。遂焚香禱誓

佛前。攝心虔誦。而瘧頓止。於是連日誦之。瘧竟不發。故自通籍以來。數十年。持誦不輟也。按大悲呪

列於密部。屠琴塢曰。觀世音菩薩告梵王言。大慈悲心。是無為心。是無染心。是空觀心。是恭敬心。是

卑下。心是無雜。亂心是無見。取心是無上。菩提心是菩薩。已將八十四句。呪義詮釋。明白持誦者。須將慈悲平等。無爲空觀等心。十句細心尋繹。身體而力行之。一切諸病無所不治也。勸戒錄

台州僧處瑄。中年病。日常持大悲呪。夢觀音大士。傳授法偈。令每日清晨取淨水一杯。焚香念偈。七徧或四十九徧。用水洗眼。凡積年障翳。近患赤目。無不獲痊。處瑄跪受如法行之。即愈。壽八十八。記者病目匝月。行之亦驗。偈曰。救苦觀世音。賜我大安樂。與我大方便。滅我愚癡暗。賢劫諸障礙。無明諸罪惡。出我暗室中。使我視物光。我今說洗法。懺眼釋罪狀。普放淨光明。願睹微妙相。繆良筆記

宋祁門汪氏子。行路被數人縛去。繫古廟柱。祝曰。請大王自取。汪知殺人祭鬼。急誦大悲呪。夜有風吼。如雷炬。目大蟒趨至。三進而卻。且遇人解縛得免。

薄益名智旭。吳縣鍾氏子。父岐仲。持白衣大悲呪。十年以祈子。母夢大士抱兒授之。而生。生平撰述都四十餘種。而彌陀要解尤爲簡切。居一行集

清馮錦者。桐鄉望族也。官山左。乞病歸。宜人孔氏持觀音大悲呪。甚虔。生子浩。幼甚瘦怯。長漸魁偉。由詞林轉至御史。凡里有善事。如倡修文廟。建舉同善。恤寒苦。葬遺骸之類。無不忻然力行。浩年

登上壽。夫婦齊眉。精神強健。有子三人。均登仕版。勸戒錄

清淮安庠士梁元徵。素崇釋教。凡法華楞嚴諸經。靡不研究。中年艱於嗣息。且多病。因發心持長齋。日誦白衣觀音經及大悲呪。仍刻袖珍小帙。硃印流通。室阮氏亦持準提齋。每晨虔跪諷經。未幾徵

病悉瘳。阮氏連舉三子。仲子汝棕。順治庚子中式。諸孫繩繩。此近事尤足徵也。

清乾隆乙巳。蘇州旱。彭二林居士結三七期。誦大悲呪。加持西方佛名。斷午食。期滿得雨。半尺。詩云。

凶年不到蓮華國。慈濟長懷紫竹林。分得斯人饑半日。枝頭點滴也成霖。觀河集

清曹成秀遇一僧曰。汝能戒牛犬。可邀上進。秀謂弓馬平常。何敢妄冀功名。僧曰。如能朝夕誦大悲

呪。何患無報。秀遂受戒。誦呪無間。臨場若有神助。不數年。官千總。乾隆十二年自記。感應篇

清道光間。金陵劉翼庭。自言余晨興必於大士像前誦大悲呪。七徧二十年。不敢懈。一日薄暮。有姥

入。謂某日有災。宜慎。遂出呼家人進茗。皆訝未見。及期夜臥。起溲。仆地。右足陷入椅內。痛不可忍。默

持大悲呪。數日愈。蓋奉大士久。故荷靈祐。年六十八。尙嬰鑠異常云。持驗記

宋李郡君素著賢德。有老嫗李氏持珠至其家求售。既去。珠遺於地。郡君收之。怪嫗久不來。一日復

至。形容瘦削。曰。向所貨珠。歸途失去。憂鬱成病。幾不能起。郡君即取還之。嫗喜出望外。後郡君感疾

垂危。夢至一大官府。見兩偉人巍然上坐。知為冥司。平日素持大悲呪。遂默誦之。堂廡搖動不已。左

右皆驚怖。欲仆。偉人立語曰。勿誦。放汝還矣。記得還李嫗珠事否。郡君曰。有之一偉人執筆曰。增汝

壽二十年。其一人曰。毋太多。執筆者曰。婦人不愛珠寶。味心貪財。已為難事。况有持經功德乎。即命

青衣人送還。後果歷二十年卒。感應篇

宋都官員外郎呂宏妻吳氏。夫婦各齋戒。清修。曉悟佛理。吳虔事觀音。有靈感。每於淨室。列置瓶缶。

數十以水注滿。手持楊枝。誦呪。輒見觀音。放光入瓶。缶中。病苦者。飲水多愈。所呪水。積歲不壞。大寒不凍。世號觀音縣。君有二侍女。亦修淨業。其一奉戒嚴苦。或終月不食。但日飲吳所呪觀音淨水。一盞已。而忽見菩薩在目前。三年得往生焉。龍舒淨土文

唐道宣律師。每誦大悲呪。百八徧夢。大士脫袈裟覆之。放光奪目。靈感賦

持誦白衣呪靈感

願亭林菰中隨筆云。天下祠宇香火之盛。莫過觀音大士。大士變相不一。世所崇奉者。白衣爲多。案遼志。長白山在冷山東南千餘里。蓋白衣觀音所居。其山鳥獸皆白人。不敢犯。則其奉祀從來久矣。

九曜齋筆記

山左周繼卿侍御。謫戍利林。夢大士傳白衣呪。教念萬二千徧。兼刻播當賜。還繼卿奉行蒙赦。回信錄。

元南京王玉年。逾四十無子。於馬公酌家。見白衣觀音經。玉取回。專心持誦。不怠。岳母劉氏夢白衣人頭戴金冠。攜一童子來。曰。吾與汝送聖奴來。劉氏接抱。恍然而悟。明日巳時。妻張氏生一男。神氣聳秀。果有白衣之異。即名曰聖僧。奴夫婦遂刊施五百卷。以酬抱送之恩。萬歷庚寅。袁公了凡刻祈嗣真詮。載此經云。經呪原出大藏名。隨心陀羅尼。受持者一切祈求。悉令滿足。靈應甚多。不具載。白衣

經紀

明洪武間吉安龍子翬同室蕭氏篤於伉儷求子甚艱己卯十月其妹淑柔得白衣五印心經與嫂同覽見卷末祈嗣事跡種種靈驗蕭氏悚然敬信發願持齋誦經並許施白衣經千卷次年舉一子

形容清秀名桂生果符所禱

白衣經紀驗

宣德四年彰德府張貴於廣東得白衣經歸里偕妻田氏發心施經求嗣未幾得男經願未酬十二

歲忽病故夫婦痛心追悔焚香虔禱施經一千五百卷丁巳復生一子持驗彰彰如是

白衣經紀驗

明嚴道澈三十無子置兩妾皆樸陋未生子後至戚家見一婢瘖乃納為妾父文靖公曰兒所行合

天道必有後澈夙誦白衣呪堅持不殺戒後三妾皆生子有重包之異孫曾林立接踵青雲

增註

明黃韞生號陶庵江蘇嘉定人父中年艱嗣力行善事勤誦白衣經忽夢大士抱一孩兒送之曰念

汝勤苦誦經行善尋得一絕好秀才與汝須善撫之子名淳耀中崇禎癸未進士

現果隨錄

錢塘趙世珍妻周氏無子詣白衣殿祈禱誦呪印施並實心行善後得二子長成進士氏年九十八

親見五代同堂

白衣圖

王漁洋先生曰王敬祖者寶抵諸生年十七失明常持誦白衣觀音呪康熙己巳四月夢一婦人素衣淡妝手啓敬祖左目以小鉗鉗之出血筋長可寸許復啓右目鉗之謂之曰爾目無恙矣質明視物瞭然自是合家持呪不懈益虔呪云南無佛南無法南無僧怛塔只哆多唵伽加囉拉伐哆伽囉

伐哆伽訶伐哆囉伽伐哆囉伽伐哆娑婆訶居易

唐衡陽有一士人年高無子祈嗣靡所不至忽遇老僧持白衣觀音經授之曰佛說此經有能受持

隨心所願獲福無量若欲求子即生智慧之男有白衣重包之異於是夫婦竭誠誦滿一藏數年遂

生三子果有白衣重包衡陽太守親觀其事重為印施亦以祈嗣不逾年生一子白衣經

楊氏女父患足疔醫藥莫效女日叩大士跪誦白衣經並矢願梓送不日疔愈白衣經

江陵王道行醉後墮崖折腰調治弗痊許誦白衣經一年仍未愈意謂經不驗將中止是夜夢神叱

之曰汝誦經為具文了事未見虔誠反怨經不靈驗耶自是洗心滌慮虔誦逾三月復夢前神以手

拍其腰驚寤腰伸如故乃信持彌篤其妻四旬餘矣連生二子觀音經

新建西鄉李姓千餘戶疫痘十損八九惟一家無恙問其故曰家中虔奉觀音大士許施白衣經千

卷於是眾效之痘亦無恙白衣經

溧陽史俊母許氏患風疾蹒跚艱步俊禱大士許廣施白衣經越年健步如前白衣經

大興李氏女父病革女日夕禱大士夢口授白衣呪念至萬二千徧父病愈享年八十有一白衣經

吳縣周起鳳夢神告以母壽將盡周虔誦白衣呪萬二千徧印施千二百卷母壽至八十餘白衣經

順天王行善屢試不遇禱大士夢大士謂汝夙根淺薄名途無分因教以虔誦白衣呪即虔誠持誦

並印送千二百卷旋聯捷白衣呪

滑武進王成斌。嘉慶間應順天試。其妻聞白衣呪。靈驗為夫。虔誦一藏。斌即登賢書。徽州許元吉。貧苦欲自沈溺。一叟止之。曰。虔誦大士白衣呪。必得佛佑。即違誦不息。後致巨富。印經送人。移家揚州。子孫顯盛。

持念觀音聖號靈感

宋徐熙載。母敬奉觀音。紹興間。載挈二子歸舟。遇風。乃率同舟呼大士名。忽遇一巨桑。急以縶泊焉。晨起。則在沙灘上。不見桑。抵家。母迎笑曰。昨夢媪導汝。父子歸。今果然始驗。大士垂救也。夷堅志

宋伏萬壽。平昌人。在廣陵為衛府參軍。乞假還州。四更初涉江。至中而風起如箭。時尙昏黑。不知所向。萬壽奉法。唯一心歸命。觀世音。念不絕口。倏爾與船中人同覩北岸。有光狀如村火。迴船趨之。未旦而至。問彼岸人。皆云。更盡無燃火者。方知佛力焉。法苑珠林

晉張崇。京兆杜陵人。年少奉法。太元中。苻堅既敗。長安百姓望風驚竄。崇時歸晉。為鎮戎所拘。指為游寇。崇與同輩五人。手足相械。埋土坑中。各相去二十步。明日將殺之。崇料必死。唯潔心念觀世音。夜中械忽自破。因得脫。走路經一寺。復稱觀世音名。至心禮拜。取一石祝云。今欲過江。東訴晉帝。理此冤。以救妻子。心願獲遂。此石當分為二。崇甫拜。石即分裂。至京師。具刊冤狀。帝乃加宥。已為人所略賣者。詔皆贖為編戶。法苑珠林

晉沙門竺法義精研衆典弟子受業常百餘人咸安二年感心氣疾療治不效積月困殆義病中常至心存念觀世音忽夢一人爲之破腸出腸胃洗淨還納之寤而病愈宋尙書令傅亮爲紀觀音神異聽者無不肅然信仰廣記太平

東魏孫敬德嘗造觀音像自加禮敬後爲劫賊所引不勝拷楚忽夢一沙門令誦救苦觀世音千遍臨刑誦念數滿刀斫自折爲兩段膚頸不傷三易其刀皆然所司以狀奏聞丞相高歡表請免死及歸家見觀世音像項有刀痕者三焉冥祥記

宋車母者其子爲虜所得陷賊營中母燃燈七盞於佛前夜專心念觀世音願子得脫如是經年其子乘隙南奔晝伏夜行每見火光七道在前疑爲村落欲趨投之終不可至如是七日夜不覺到家見其母猶伏佛前回向七燈煌煌始悟佛力母子重逢皈依畢命宜驗記

清丁傳向人述曰祖母孔太君雙目失明二十年矣乾隆壬子春愀然謂傳曰予但得雙眼寸光桑榆之願足矣傳曰觀音大悲呪持誦者有求必應然呪語多口授難熟莫若專誦大悲觀世音菩薩聖號眼當復明也祖母深信此言晝夜虔誦大悲觀世音菩薩七字無間未逾月而一目果明白數掌上螺紋復命家人立樓下憑檻而觀歡然微笑曰兩孫婦入門老人皆未識面今並曾孫亦見頭角非佛法慈悲不至此囑刊布以報宏恩於萬一云持驗記

釋法顯姓龔平陽人常慨經律外闕勵志尋求以晉隆安三年與同學慧景等發自長安西度流沙

歷諸危險。至天竺國。獲諸經律。附商人大舶。循海而還。舶有二百許人。值黑風。水將入舶。眾皆惶懼。即取雜物棄之。顯恐棄其經像。惟一心念觀世音。舶任風而去。得無傷壞。經十餘日。達耶婆提國。停五月。隨商東適廣州。梁高僧傳

宋張孝純有孫五歲。不能行。或告之曰。頃淮甸間一農夫。病腿足甚久。但日持觀世音名號。不輟。遂感觀音示現。因留四句偈曰。大智發于心。于無所尋。成就一切義。無古亦無今。農夫誦偈滿百日。痼病頓愈。孝純遂教其孫及乳母齋戒持誦三月而步武如常。兒患腿足者誦之皆驗。出筆

敬奉觀世音菩薩靈感錄

護國類

錢唐舊有天竺觀音寺。凡諸祈禱。應答如響。唐季有異人錢鏐。具萬夫無敵之勇。適當五胡雲擾。奮挺一呼。兩浙披靡。志圖捍衛。東南中懷疑貳。忽一旦夢感大士。有封王拜相之言。乃攘臂前鋒。所向克捷。初為董昌偏將。繼為杭州刺史。後進荆揚節度使。欲出兵討朱全忠。復夢大士曰。不可輕動。汝能救百萬蒼生。不旬日進爵為王矣。已而果封吳越國王。鏐感大士默佑之神。屬述其事。鐫諸貞珉。以表感應之德。於無窮。天竺志二

唐光啓間。黃巢作亂。所過殺戮。城社為墟。血流半天下。一日忽至杭。人民哭聲震野。所恃以為捍禦。

者。惟錢鏐一人而已。老稚幾百萬人。泣拜觀音大士。前願乞慈祐。巢將入境。鏐振兵拒之。甚力。巢亦素聞鏐勇武。方欲格戰。聞空中有念佛聲。仰視雲端。旌幢寶蓋。擁護大士。其火首金剛。天龍。修羅等。衆扈從。無算。鏐兵見之。氣壯百倍。巢歎曰。此佛土也。戒戢羣下。踰日而去。由是鏐益篤信大士。以爲神武而不殺者焉。天竺志一

唐昭宗乾甯元年。越州董昌作亂。焚府庫。殺官吏。浙人橫罹鋒刃者甚衆。鎮海節度使錢鏐躬禱於大士之前。祈爲默佑。以免禍害。生靈乃仗鉞出兵。方對敵之際。空中忽聞萬騎馳驟之聲。昌一見。魂不俟接。戰即斬首。馘全越。底定。鏐遂由杭州刺史。進封爲鎮海節度使。天竺志一

宋太祖建隆元年。吳越王錢俶以太祖卽位。進止未決。乃禱於大士。夜夢紫衣神人。命金甲將校數百人。持彩繩。出揚子江北岸。以繩隔界。直抵豫章。閩越而止。呼俶詔之曰。此汝故物也。復與以袍笏。冠冕。無算。覺而喜曰。吾無恐矣。卽擇日上表獻圭璧儀物。稱賀。帝大喜。賜宴。詔使者曰。歸報爾王。朕將倚彼爲屏翰。以翊贊至治。當不負前勳也。已而毫髮不爽。天竺志一

宋太宗雍熙三年五月。帝以大將曹彬有岐溝之敗。見辱於契丹。寇氛日迫。憂甚。乃遣內使詣上天竺。傾誠祈禱於大士。以求解救。張齊賢遂有代州之捷。時諸將夜戰。遙見火光。中有金甲大將。長數丈。許立於雲端。持赤幟。指揮軍心。大振虜騎。望之相率膽落。辟易奔潰。天竺志一

禦災類

宋太祖開寶五年夏五月大雨河決帝禱於神雨不止羣臣中有稱述上天竺觀音大士靈異之事者帝即遣使馳驛齋香虔禱越數日天即開朗河流亦復止塞速使歸詢之即至杭既禱之明日也嗣是凡水旱疾疫必禱焉天竺志一

宋哲宗元符二年夏四月不雨袁州守臣王敏仲禱於木平山舍利石塔精誠通感巖中放光見白衣大士身金瓔珞獲五色舍利其大若棗中有臺觀之狀復往仰山塔所見泗州大士維摩羅漢列居左右已而大雨霑足郡聞於朝詔賜木平塔曰會慶仰山塔曰瑞慶統紀

宋真宗咸平元年正月至五月不雨徧行祈禱而旱彌甚時給事中張去華守杭出其至誠為民請命迎大士像於梵天寺率官僚拜禱之甘雨驟降四境沛足歡聲動地天竺志一

明景泰六年夏兩浙苦旱禾稼將槁時鎮守阮公會潘臬重臣與兵部尚書孫公等齋戒沐浴徒步親詣上天竺寺奉迎聖像至山林建壇禱雨即時陰雲四起至日哺甘雨大澍明日如之又明日亦如之頓令兩浙境內禾黍芘芘枯槁立蘇人民莫不歡欣鼓舞由是阮公大感靈貺念無以酬即捐已資重建行龕並製冠服及諸供具而莊嚴之仍奉送以歸天竺志一

孝感類

明吳江縣吳璋。十一歲喪父。母陸氏。永樂癸卯。以孀婦選給內廷。隨親王分封廣東。璋往覓母舟中。設觀世音像。日夕哀禱。願必見母。繼患痢昏憤。中猶呼母不置。及抵廣。王已改封江右饒州矣。奔馳沙磧。兩足俱裂。臥野寺廊間。遇焦道人。施藥敷愈。一日過嶺。蛇啣其足。量地復見前道人。以藥塗之。而愈。又投宿孤村。力拒奔婦出門。雪深數尺。匍匐前進。又見前道人。慰之曰。爲母忘軀。真鐵漢也。出餅與啖。天明訪王府。母果在。璋屢啓乞母。終養不允。乃就府東賃一室。中書思親二大字。旁帖云。萬里尋親。歷百艱。而無悔。一朝見母。誓九死。以何辭。王聞而賢之。允其請。母子得相見。後子洪孫山俱官刑部尙書。人謂純孝之報。然大士變化護持之力。亦彰彰矣。輿心錄

清有孝婦劉氏者。湖北鄖縣人也。夫出姑病。疴藥莫能療。氏割股和粥進。姑食之愈。旬餘復作。氏又丸股肉奉之。復愈。但間旬仍病。氏默禱大士。願以身代姑。醫憐其誠。謂此非凡藥能治。若得人肝一片。根可除矣。氏深信之。卽潛以利刃刺脇下。肝長數寸。許垂於外。斷之。遂暈仆。恍惚見大士撫其體。曰。兒苦矣。以丸藥敷傷處。遂甦。烹肝奉姑。又愈。自此病不復發。姑見氏舉動。恆以掌護脅。薄而觀之。創痕宛然。姑失聲大慟。曰。媳以我至此。我心何忍。喧傳遠近。觀者踵相接。氏深匿不出。族長呈於縣令李君。請旌焉。乾隆己亥六月事。異譚可信錄

孫復儒妻金氏。性孝。江蘇武進人也。翁好行善。金自鬻奩田。以供其翁行善之費。年二十四。夫亡。矢節。翁病劇。氏手調湯藥。六十晝夜不眠。病不愈。虔叩大士前。割股肉一。適翁思食米糲。遂以股肉

煮湯和粉成之。翁啖五枚即安寢。寤而呼氏曰。吾不死矣。頃見白衣大士來言。汝媳誠孝。格天增汝一紀。未幾病愈。壽七十七。恰符一紀云。自求

錫福類

明包信之。浙江嘉興人。偶至一村寺。見觀音像淋漓露立。即解囊得十金。呼主僧授之。令修屋宇。僧告以工大銀少。不能竣事。復取松布四疋。衣七件。與之內紵。褶係新製。其僕請已之。信之曰。但得聖像無恙。吾雖裸裎。何傷。僧泣曰。捨銀及衣。布猶非難事。只此一點心。何可易得。後工完。偶宿寺中。夢伽藍告曰。汝子孫當享世祿矣。後子沐孫。檉芳皆登第。作顯官。出陰騭錄

明沈見泉。祖游吳江縣之黎里羅漢寺。見後殿毀塌。觀音首頂簪笠。歎曰。菩薩能與人智慧。某願重修此殿。求吾子孫有一二讀書者足矣。歸謀之婦。婦曰。今有米數百石。速易銀。獨力完此功德。可不日棟宇法相煥然。鼎新其孫堯中。曾孫夢斗。相繼登第。出驗錄

明林翁。為廣東潮州府刑房典吏。矜恤疑獄。哀憫繁冤。蓋其素念也。偶有一人含冤犯死罪。林謀與仲雪急切不得策。乃朝夕禱。大士夢大士示曰。按院議語。疑某刑官招詳未確。乘此辨之。可見罪非其有。曉即代為作詞。上訴。果得寬釋。其人感林之德。欲以女謝之。林不許。醉林密室。婦女伺寢。林覺曰。不可。不可。不可。毅然去年五十。生大欽。嘉靖壬辰。由鄉薦入都。旅舍主人夢大士曰。明日林三不

可子來寓新科狀元也。放榜果符所夢。方知父之陰德云。出勸戒類鈔

晉山東瑯琊王珉無子。嘗祈觀世音乞賜一兒。後途遇一胡僧。情意甚洽。僧曰：當為君作子。未幾僧

謝世。而珉妻有孕。生而能言。名洪明。長而聰慧。過人能解西域十六國梵音。仕至尚書。出辨正論

宋翟楫。京師人。居浙江湖州四安鎮。五十無子。繪觀音像虔禱。其妻方娠。夢白衣婦人以盤送一兒。

姿甚清秀。欲抱取之一牛橫隔其中。竟不可得。既生男。彌月不育。又禱加虔。有聞其夢者。告楫曰：子

嗜牛肉。豈為是歟。楫悚然。遂誓舉家不復食。仍夢前婦人送兒至。果生男。後貴顯。出轉劫論

元念常禪師。號海屋。華亭人。俗姓黃。母楊氏求子禱於觀音大士。前夢龐眉老僧托宿而娠。誕生之

日。瑞光照室。異香襲人。出家於平江圓明院。博究羣書。嗣法晦機。熙和尙。帝師尊。寵預金書藏經之

列。有佛祖通載集二十卷。行世。時號僧中班馬。出觀音慈林集

元末寶金禪師。號壁峯。永壽人。俗姓石。父稱長者。母張氏。勤善弗倦。有持鉢僧以觀音大士像授。張

囑曰：謹事之。當生智慧之男。未幾生。師臨產之時。白光照室。六歲依雲寂法師為弟子。羅染受具。窮

理性之學。洪武三年。召對稱旨。寵賚優渥。賜詩十二韻。所至皆化。不啻生佛與焉。出稽古略

嘉定馮生。貧而好善。日覓經驗良方。手抄徧貼通衢。一日進香南海。中流風發。舟覆。恍見甲士引至

龍王前。王曰：子寫方救人善心。誠切達於水府。特遣救汝。今贈汝秘方十二行。之可以救人。可以致

富。取方授之。命甲士送歸。倏忽到岸。心知大士暗中調護也。後依方行濟。成富室焉。出勸戒類鈔

宋紹興戊辰三月。越王史浩。初為餘姚尉。詣潮音洞。參禮觀音大士。忽現瑞相。金光照耀。將暮。有老僧來訪云。公將歷清要。為太師。是一箇好結果的。文路公他時作宰相。官家欲用兵。切須力諫。遂辭去。忽失所在。乾道戊子。以故相鎮越。一夕。有道人。神貌清異。稱與丞相有舊。聞人拒不肯通。乃索紙大書云。黑頭濫相。重添萬里風光。碧眼胡僧。曾共一宵清話。擲筆而去。浩大驚異。始悟道人。即昔日老僧也。觀音感應

明萬曆八年。大智融禪師入山。見其地幽勝。欲開闢梵宮。乃禱潮音梵音二洞。若此地宜奉香火。大士當賜指授。見潮擁一大竹根。至師曰。此大士授我也。於是結茅斯地。題曰海潮庵。普陀山志南郭順善人家。素事佛。丙申六月十九日。大士現像於竹簾上。儀容儼然。觀者如堵。無何有媯之者。相忽不見。善人追慕之。乃倩工繪其像。申供養焉。省庵禪師遺書宋淳熙元年。吳江長橋居民鄭嫗。年八十餘。日募錢於市。積之。餅蓋欲修觀音像也。忽鄰火延燒。意謂餅燬。明日泣願焦土。於燼餘得餅。略無壞缺。而錢鏰成觀音聖像。高尺許。瓔珞瓶柳。悉具神工。巧妙。世不經見。邑中有巨室王氏者。請像供養。留嫗長侍香燈。壽逾期。頃出南海慈航並海南一勾

脫險類

宋神宗元豐三年。內殿承旨王舜封使三韓。遇風濤。大龜負舟。危甚。舜封惶怖。望洞致禱。忽覩金光。

晃耀現大士。滿月相珠瓔。燦然出自岩洞。龜沒舟行。還以事聞。遂賜名寶陀觀音寺。出普陀山志

宋徽宗崇甯間。戶部侍郎劉達給事中吳棫同使高麗。及還自羣山島。經四晝夜。月黑雲翳。冥蒙不知所向。舟師大怖。遙叩寶陀。俄神光滿海。四囑如書。歷見招寶山。遂得登岸。

吳人陸暉繫獄當死。乃令家人造觀音像。祈禱免死。臨刑連易三刀。其刀皆折。官問之。答云。恐是觀音慈力。及看法像。項上有三刀痕。因奏宥之。出宣驗記

唐于逖靈應錄云。有嫗得銅觀音像。剡壁作穴。安之。每有食饌。必供養。盡敬。嫗有子在軍前。臨陣之際。倒於草間。背被敵兵連斫三劍。錚然有聲。如擊銅器。敵軍去後。旋得還家。身無傷痕。出茶室叢鈔

明福州南臺寺。塑觀音像。將毀。其舊塑上林翁求歸事之後。數月。操舟入海。舟壞而溺。急呼觀音曰。菩薩救我。語訖。身便自浮。得一板。乘之。驚濤接天。約行百餘里。隨流入小浦中。獲遺物一筭。頗有所資。而歸人以爲觀音之助。出筆乘

明雷法振。福建人。萬歷間。居深山。以燒炭爲業。家有鴨欄木。紋理細膩。法振偶發一念。欲刻此木爲大士像。役役於雜務而未果。一日入山燒炭。獨行樵徑。榛莽颯颯。突來一餓虎。險乎遭難。忽見一綽

約婦人。當虎叱之。虎懼。伏叩首而退。法振拜謝。叩其姓名。曰。身是君家鴨欄木耳。俄不見。法振大悟。遂擇吉。如法雕刻。終身頂禮。不敢茹葷。南海慈航

清徽商程伯麟。久居揚州。奉觀音大士甚虔。乙酉夏。兵過揚城。程禱大士求救。夢大士謂曰。汝前生

殺王麻子二十六刀。今須償彼。可令家中十六口。並往東廂。汝獨在中堂候之。勿遣累家人。越五日。兵至門。程迎問曰。汝卽王麻子乎。我欠汝二十六刀。可殺我。兵驚曰。汝何以知我姓名。程具告以夢。兵歎曰。汝前世殺我二十六刀。致我今世報汝。我今殺汝。汝來世不又報我乎。乃以刀背斫程二十。六下。而宥之。唐宜之曰。記此事有三意。一者見菩薩大悲能回定業。二者見宿業既熟難脫。如是三者。見目前所受。悉是往因。宜歡喜領受。不當怨尤。又曰。凡虔奉觀世音者。其人必篤信因果。一生善事必多。所以惡報必滅。豈偶然哉。已求

明有善人張叟者。蘇州杲橋人也。素尊像。教喜飯。僧萬曆辛亥春。將赴普陀。瞻禮觀世音。挈八齡孫。以行。時海船鱗次江頭。張叟欲乘一船。其童孫忽見滿船人。悉繩縛手足。急向阿翁白其異。叟大駭。登岸換第二船。其孫復白所見如初。又登岸更求第三船。附之間。其孫曰。無所見也。叟意未決。有二。人立船首大呼曰。此船甚安穩。若有人自後推之。遂挾孫登船。坐甫定。呼者推者俱不見。日暮潮至。雪濤山立。前兩船應時覆沒。全船男女溺海。無一存者。張叟所附之船安濟無恙。越三日。仁和縣令出巡江口。檢閱溺死羣屍。每人腰纏中各有兩大錫錠。小刺刀一柄。驗是釣淫之具。信知無賴爲菩薩所不宥也。叟感悟益傾誠奉法。繪圖志異並見海而一勾

清康熙二年。有魚艇泊安徽小孤山下。夜聞山神命其屬曰。明日有鹽艘過此。收之勿誤。及晨果見有鹽艘揚帆而來。風濤驟作。幾覆沒者數矣。久之獲免。是夕魚艇仍泊故所。聞鬼卒覆命云。舟尾有

觀音大士不敢近也。次日漁人往訊鹽艘，乃知一操舵者持觀音齋也。出高善先賢

明徽人汪姓者，家居崑山，持齋三年，擬至普陀進香。某年元日，已束裝往玉龍橋下船矣。忽店旁火

起，急報促回。汪曰：吾積誠三載，方朝菩薩，豈以一店易吾志乎？縱被燬，吾不歸矣。竟揚帆而南，香畢

回崑，見四面店屋俱成焦土。汪店樓房獨存，萬人驚嘆。此予在崑親見者。出現果隨錄

清金桓，浙江紹興諸生也。性孝友，康熙六年七月二十一日，夢長眉仙語曰：爾有夙孽，明年此日當

遭雷擊，桓寤憂之。惟日禮大士以求懺罪。次年是日，桓見晦冥，知不免，恐驚老母，豫往跪於文筆峯

浮圖下，忽風雨大作，霹靂轟繞，家人驚泣，謂必死矣。既甦視之，訝猶生。桓曰：適如夢中見大士露酒

楊枝，復持鏡一照而去。俄然而醒。湖橋雜記

愈疾類

宋咸淳丙寅三月，范太尉以目疾，遣子致禱潮音洞，下汲泉歸洗，目病立愈。復命子來謝，大士全現

猶隔碧紗，繼往善財洞，童子忽現，大士亦現，縞衣縹帶，珠璣交錯，精神顧盼如將示語。出普陀山志

梁釋法橋，中山人，少年出家，樂於轉誦，苦於發音，不能清暢，於是絕食懺悔，歷七日夜，一心皈命，觀

世音菩薩虔誠無意，同學苦諫誓不改其意向。至第七日，覺喉內豁然，即索水洗漱，云：吾有應矣。於

是作三契，經聲徹里許，遠近驚嗟，悉來觀聽。爾後誦經數十萬言，晝夜諷詠，哀惋通神。至年九十，聲

猶不變出高僧傳

唐龍朔麟德中京師永興坊許儼取魚為業後患疾冥然若死身赤如火痛似火炙自云但見火車來燒身冥官責其取魚業重遣我現生受罪已經數日乍生乍死親戚勸作功德遂造觀音像兩尊供養懺悔仍令合家不食酒肉病遂除出法苑珠林

史雋奉道而慢佛每見尊像恆輕誚之後因病脚攣種種祈福都無效驗其友趙文謂曰印經造像為求福第一法門觀音大士尋聲救苦至誠感之無不靈應盍造大士像雋以病急如言鑄像像成夢見觀音悔過奉法拘攣之病不藥自愈出宣驗記

前清楊如雲其父盛鳴性剛直樂善好施生平尤仰戴觀音大士恆虔誠供養年四十餘偶患臟脹疾腹部青筋糾纏砭藥俱窮一日夢見一老母手執一鍼曰汝病難起矣吾今與汝去之以鍼自腹挑起漸至頸項遂用利剪將筋剪斷驚覺呼痛臟疾遂愈始知平日仰戴大士誠敬所感也出勉戒切要錄

清游源者撫州諸生也父病癆瘵母積鬱氣源自幼患頭風傷兩目良醫不能治娶室胡氏艱於得子氏見全家多災厄日夜憂思於乾隆己亥春力勸合家老幼齊心同願虔奉觀世音菩薩齋期誠潔誦經悔過遷善已而翁姑勿藥自愈其夫源目病亦除乙巳生一子姑年八十病中咯血氏於危急中泣禱菩薩救護其姑髮鬚見一媪周旋牀前且云無妨吾保爾不日霍然起矣自是年年施經不輟南海慈航

往生類

唐釋自覺住真州常發願願因觀音得見阿彌陀佛於是鑄觀音像高四十九尺既成至心祝願夜三更忽有金光二道見佛自光中而下觀音勢至左右隨之佛垂手摩覺頂曰守願勿易利物爲先寶池生處孰不如願後十一年七月望夕見一神現身雲間謂覺曰安養之期至矣遂於觀音像前跌坐而化集往生

清顯滄婦錢蘭貞遭疾誦觀音聖號得愈遂歸心淨土每夜焚香誦大士號道光廿九年十月八日曰苦海茫茫三日可出矣初十晨曰今日決定往生矣仍持大士號頃之忽稱佛而逝種蓮集

盧山二僧一持往生呪一持大悲呪求生淨土持往生者先逝頂熱持大悲者後亡初身冷脚底如火久之乃頂熱脚底如冰乃滅地獄業往生西方之驗也靈成賦

晉釋慧虔自幼出家戒行精確義熙中住山陰嘉祥寺苦身率衆念佛後寢疾專意傾向樂邦誠祈大士北寺有尼淨嚴篤行宿著夜夢大士從西郭門入輝光照映幘幡華蓋七寶莊嚴尼驚異作禮

問菩薩何往答曰往嘉祥寺迎虔公耳是日虔神色如常侍者皆聞異香泊然而化雲棲往生集

宋錢塘鄭氏日誦普門品念佛不輟臨終聞磬聲見觀音手執金臺遂寂靈成賦

像孺人供奉日虔已而其子晉芳夢兩大士身衣破衲如有所乞且遇一舟子携兩軸求售一舊刻
吳道子畫僧相觀音一繡像送子觀音也急償以值屬工裝新張挂淨室孺人日侍像旁誦西方佛
名及諸經呪瞻拜無虛日自此屏除葷血一心淨業嘗三詣天竺參禮大士臨終訓勉諸子各敦本
行命同稱佛名勿哭遂合掌至頂誦所習呪忽聞異香滿室中泊然而逝年五十四一行居集

清袁子才太史言余祖母柴太夫人常述其外祖母楊氏老而無子依其女洪夫人年九十七而卒
居恆居一樓虔奉觀世音菩薩像誦經弗懈性慈善聞樓下笞奴婢聲便徬徨不能食或奴婢上樓
者必分己所食與食卒前三日索盆濯足曰我此去將踏蓮花俄而栴檀妙香空際繚繞端坐跏趺
而逝香三晝夜始散新齋諧

清常智幼見大士像瞿然起敬出家誦心經至心無罣礙渙然若釋專修淨業預知時至茶毘有紫
蓮華於火光中燦然湧出高僧傳四集

尼成靜廣州古岡人自幼持齋戒及剃落專課涅槃大乘諸經事師敬謹中年受具戒栖心淨土彌
陀不輟於心口慈祥好施威儀範衆循循善導為士庶所尊仰嘗勸衆造栴檀十手眼大悲聖像於
大慈庵越明年得微疾豫知時至頻誨徒衆與諸檀越訣別翌日語諸弟子曰大悲觀世音菩薩來
此相接吾往矣即瞑目而化世壽五十九歲慈林集

湖州胡氏女歸杭州潘某潘向長齋婚後婦亦願長齋未幾潘病卒四壁蕭然婦謂徒死不如立節

遂屏棄衣飾日費一錢買豆腐蒸而啖之不知饑故事大士像持梵唄外爲女紅餘錢輒施僧預置
 一盒寄他處康熙辛未六月既望移龕至請靈峯老僧來舉火遂煎香湯浴畢倩鄰婦扶入龕手拈
 香三炷俄頃火延龕頂出五色煙香氣四達男女送者數百人共異之時年四十有一見海國雜誌並
 陳安人名夢嚴奉觀音大士垂三十年彭二林勛以直往西方遠有省後於泰通橋拜大士像歸夢
 一衣藍老嫗謂汝來年過不得此兩日及期臥病持大悲呪忽連稱佛名而逝居一行集
 宋慧才持大悲呪夢至寶閣人告云中品汝所生也臨終作偈讚佛曰吾決生淨土矣遂寂聖賢錄
 清凌氏善益行大悲懺禮華嚴經再周晚專誦大悲呪彌陀佛號求生西方一日觀音大士現像遂
 示疾謂女曰佛光滿室吾行矣聖賢錄
 清王枚妻字季婉以念佛爲事病篤告人曰觀音大士來吾去矣合掌誦大悲呪旋聞梅檀香滿室
 中含笑而歿聖賢錄
 清楊拂齋婦徐氏持齋念佛并大悲呪祈生安養一日念呪覺聲出戶外視之含笑坐逝矣酷暑逾
 三日面如生焚化衣衫炤成五色蓮華聖賢錄
 清機溥字誌西母夢白衣人授子而孕專修淨業持大悲呪靈應甚著民國四年定中見白衣大士
 滿身瓔珞乘百寶船凌空來迎西向念佛而寂高僧傳四集
 清朱妙德長齋念佛貧極乏食代人誦大悲呪博資度日病劇妹立德視之曰人言姊精進吾謂姊

心尙未切。朱涕泣懺悔。自後手唯合掌。眼唯流淚。半夜忽笑曰。三聖至矣。念佛數十聲而寂。聖賢錄

清僧恆秀。十有六年。兀坐於枯椿。行住坐起。大悲呪行願品。不忘於心。一日見二童持幢幡。稽首曰。

上士持佛呪。無停應證。羅漢果。乃別念佛而逝。江西通志

清沈善月。陳氏婦。修念佛三昧。持齋放生。日誦行願一卷。大悲呪十五遍。佛號三萬數。十年如一日。

歿後。儿上現蓮花影像。不滅。聖賢錄

張抗。積善向佛。發誓誦大悲陀羅尼十萬遍。求生淨土。年六十餘。寢疾。一心念佛。謂家人曰。西方淨

土。只在堂前。阿彌陀佛坐蓮華上。言訖念佛而逝。往生集

觀世音菩薩誦經持名簡略規則

頂禮十方常住佛 頂禮十方常住法 頂禮十方常住僧

頂禮本師釋迦牟尼佛

頂禮西方極樂世界阿彌陀佛（以上均三稱三拜）

頂禮大慈大悲救苦救難觀世音菩薩（三稱三拜）

誦普門品一卷或多卷（或加誦心經大悲咒白衣咒均可）再念

南無觀世音菩薩（千聲萬聲均可每日行住坐臥憶念亦可）（再念回回偈）

願以此功德。莊嚴佛淨土。上報四重恩。下濟三途苦。若有見聞者。悉發菩提心。盡此一報身。同生極樂國。(念畢三拜退出佛堂)

觀世音菩薩大明咒持誦簡略規則

無錫小金山開通寺超一法師傳授

若依密教修持法門。必需入壇灌頂。乃為合理。今將此法方便。示眾廣結法緣。將來有緣。再行灌頂。亦可。特表觀世音菩薩大慈大悲心。持誦大明咒護國利生靈。功德偉大詳見莊嚴寶王經。惟願世界人人皆能持念六字大明王陀羅尼。則化災殃而降吉祥。息戰爭而現和平。於是世界永寧。國家泰平。人民安樂。此人間淨土。即現目前。請諸位實行此法。特將密教儀軌書后。

四皈依

皈依上師 皈依佛 皈依法 皈依僧

發菩提心文

我今發心。不為自求人天福報。聲聞緣覺。乃至權乘諸位菩薩。惟依最上乘。發菩提心。願與法界眾生。一時同得阿耨多羅三藐三菩提心。

受苦提心戒偈

諸佛正法賢聖僧。乃至菩提我皈依。我能施等清淨作。爲利衆生成佛道。

本尊讚

過惡無染身白色。於首莊嚴圓滿佛。慈悲觀視諸衆生。敬禮菩薩觀自在。

(以上念三遍)

本尊真言

唵嗎呢吽音囉音吽音 (千遍萬遍更好) (超一法師深通藏密此係藏音)

回向偈

我速作此善。成就觀自在。衆生雖無量。令入本尊位。願以此功德。莊嚴佛淨土。上報四重恩。下濟三途苦。若有見聞者。悉發菩提心。盡此一報身。同生極樂國。(以上念三遍念畢退出佛堂)

玄天上帝真武佑聖報恩教主勸行大孝文

嗚呼噫嘻。人子之身。胡自來哉。孰非父母所生者乎。既生矣。孰非父母鞠育。始能成人者乎。夫人子本無身。因有父母。而始有我。身以有我。身故反累父母之身。爲我衰朽。至于老死。而不知其苦樂也。升降也。何所歸着也。爲人子者。心安乎哉。而不思所以報之乎。溯母氏十月懷胎。至于生我。三年乳哺。襁褓提携。慮及痘疹。防其關煞。憂其疾病。父母之心。焦勞極矣。精力瘁矣。此境此情。夫人知之。無待吾之贅言也。獨自成童以後。爲父母者。又教誨我。婚娶我。衣食我。基業詒謀我。處心積慮。百計經營。觸羅網而不願。負罪咎而不恤。果何爲哉。爲子計也。乃一旦長辭人世。惡孽隨身。陰獄受刑。夜臺悲歎。輪迴輾轉。無有盡期。當此之時。試問天下之爲子者。有念及父母沈淪者乎。有知父母受苦而願爲替代者乎。吾知千萬人中。無一也。嗟乎。父母有子。累孰甚焉。自吾觀之。不如無子之爲愈也。爲子者。苟見及此。回憶昊天罔極之恩。縱粉骨碎身。亦應報答而拯救之也。然則將何以報乎。曰。是有術在其術。維何。曰。行大孝。是已行大孝。若何。曰。積大善。是已。夫一子行善。七祖超昇。善有萬端。在人擇取。即善卽孝。不必同也。故仁人孝子。誠欲拔父母于九幽。登諸快樂逍遙之境。則必爲父母廣行大善。生前之子。職虧歎。而以身後補報之。凡濟人利物。陰隲暗行。立德立功。慈祥普及。自然天心感格。惠及有生。善則歸親。理所應得。務令有德之父母。天爵由此而崇高。有過之父母。苦海由茲而離。

脫父母之靈寧不慰哉人子之心寧不快哉夫如是差足以言報也吾帝當年行孝早見及此守經達權不拘形迹卒如所願度脫二親榮受褒封長享極樂所有事實具載報恩經篇普願天下之為子者日誦吾經能學吾帝焉可即擇善而從亦無不可大孝中孝小孝各量力而為之斯不負吾帝勸孝之本意也夫


楊鍾鈺曰謹案真武報恩等經云 玄帝為淨樂國王之太子母善勝太后 帝問寢侍膳之餘每念父母深恩非尋常服勞所能報答遂棄國入武當山修道四十載白日飛昇上朝天闕敕授真武統五千萬神兵永鎮玄天父母榮享褒封作報恩經訓世商紂暴虐遂感動水火旱癘妖六大魔王擾亂天下殘害生靈 上帝降周武王戡亂命 真武收魔蕩穢玄帝金甲玄袍皂纛黑旗仗降魔劍統金甲神將與六魔王戰于桐陰之野 玄帝施大威力降伏六魔為部從于是宇宙肅清拜為玄天上帝父母加錫尊號聖父曰淨樂天君明真大帝聖母曰善勝太后瓊真大仙又洞冥寶記云 張桓侯大帝領楊生守一遊西天竺雷音寺叩謁 釋迦世尊 世尊作戒釋子文諭嚴守三皈五戒又諭守一曰三教同源奧妙無他治心而已能治其心則物欲不能牽引即可為聖賢仙佛彼地獄無數孽魂皆由不治心之故也子儒教中人歸而求之則得矣又曰儒釋道三教皆以仁孝為主吾佛證果原由躬行仁孝而已吾以青宮之貴欲出家學道父母苦禁止之逮父母又生一弟繼王嗣者有人吾志遂決

復遊觀八門。目覩生老病死之狀。愁苦不堪。因發慈悲大願。救度世人。咸離苦惱。後果修成大覺。進化國人。此吾之仁也。又念父母生我。育我之苦。報答爲難。必欲修成出世功德。度脫雙親。超升上境。不墮苦海。始全子道。後果如願。以償不特父母永享極樂。卽九玄七祖亦繫超升。此吾之孝也。儒教以胞與爲懷。成已成物。善與人同。非所謂仁乎。孝經云。甚哉孝之大也。孝莫大于嚴父。嚴父莫大于配天。非孝之大者乎。吾佛門弟子。非盡釋子披緇之流。但具有佛性。克全仁孝之善人。即可到我西天。同享極樂。爾生勉哉。諭畢。九叩辭別。又赴北極真武佑聖宮殿。叩謁報恩教主。張大帝諭守一云。立帝以大孝爲宗旨。將本身父母七祖九玄俱超生淨土。同享極樂。可見聖賢仙佛都由盡孝立基。因請立帝撰行孝文。勸世并諭云。人子遵行此文。何患父母不能超升。本身不證仙佛哉。如能將此文廣勸世人。功德無量矣。守一問曰。今世文人創非孝之說。毒流天下。梟獍成風。此輩倡言不孝。有報應乎。立帝云。天津森嚴。豈能容恕。此等人將來結果。必報之以雷殛。或慘死。或絕嗣。死後拘其孽魂。打入誅心拔舌無間雷轟阿鼻油釜等獄。歷受諸刑。經千萬劫。不復人身。若祖宗若父母有功善者。削其功善。交冥王處罰。以懲其生。此孽種教訓不軌之罪。無功善在地獄者。罪加數等。永遠不准投生。夫世人不孝。不過一人造罪而已。若倡言不孝。出自文人學士之口。著書行世。是率天下同歸于不孝。倫常之變。家庭之禍。孰有甚于此者乎。孝經孔子云。非聖人者無法。非孝者無親。此大亂之道也。安

玄天上帝勸孝文

得。不。施。以。慘。報。乎。試。考。古。來。聖。賢。仙。佛。未。有。不。孝。者。而。能。證。果。位。古。今。閻。閻。世。家。未。有。不。孝。者。而。能。膺。厚。福。孝。為。百。行。之。原。萬。善。之。本。人。而。不。孝。雖。有。他。長。不。足。觀。也。因。爾。守。一。素。有。孝。行。故。為。爾。愷。切。言。之。務。刊。入。洞。冥。記。以。勸。世。人。可。也。茲。恭。錄。刊。布。海。內。縉。紳。能。宏。揚。玄。帝。之。孝。道。以。化。劫。消。災。功。德。甯。有。涯。涘。乎。

四



觀音經咒靈感初版同仁一覽表

禹裔氏 洋一百五十元 榮德生 洋五十元

湖濱逸史 洋一百元 華繹之 洋一百元

師竹軒 洋一百元 張揆伯 郵費五十元

楊了空 元禮 郵費十元 顧弢甫 郵費十元

侯紹先 郵費五元

是書詳載觀音靈蹟捍患禦災護佑貞孝濟人厄難如響應聲同人僉謂有裨政治風俗鳩貲訂印式萬部郵寄千七百縣軍政紳商各界以正人心弭世變而啓大同郵治高誼良堪欽佩列表以誌勿諼

楊鍾鈺敬跋

#2
462102